



Broj: 06-1-07-1-187/25
Sarajevo, 11.06.2025. godine
(M.Ž)

Na osnovu člana 2.9 stav (1) tačka 19. i člana 2.12 stav (5) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i člana 195. stav (1) Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), postupajući po zahtjevu Općinskog vijeća Kakanj za davanje saglasnosti na imenovanje člana Općinske izborne komisije Kakanj, Centralna izborna komisija Bosne i Hercegovine je na 31. sjednici, koja je održana 11.06.2025. godine, donijela

R J E Š E N j E

(1) Ne daje se saglasnost na Odluku Općinskog vijeća Kakanj broj: 01/1-6-190/25 od 29.04.2025. godine, kojom se **Merima Haračić-Kubat** imenuje na dužnost članice Općinske izborne komisije Kakanj.

(2) Potrebno je da Općinsko vijeće Kakanj u skladu s članom 2.12 stav (5) i 2.15 stav (1) i (2) Izbornog zakona Bosne i Hercegovine, u roku koji ne može biti duži od 30 dana od prestanka mandata prethodnog člana, izvrši imenovanje člana Općinske izborne komisije Kakanj, imajući u vidu odredbu člana 11. stav (6) Uputstva o utvrđivanju kvalifikacija, broja, imenovanju, obuci i razrješenju članova izborne komisije osnovne izborne jedinice u Bosni i Hercegovini.

(2) Nadležni organ dostavlja odluku Centralne izborne komisije BiH u predmetu davanja saglasnosti svim kandidatima koji su učestvovali u postupku imenovanja člana izborne komisije odmah po prijemu iste.

O b r a z l o ž e n j e

Općinsko vijeće Kakanj je aktom broj: 01/1-193/25 od 05.05.2025. godine Centralnoj izbornoj komisiji Bosne i Hercegovine dostavilo zahtjev za davanje saglasnosti na Odluku broj: 01/1-6-190/25 od 29.04.2025. godine, kojom se Merima Haračić-Kubat imenuje na dužnost članice Općinske izborne komisije Kakanj, uz koji je priložena dokumentacija u smislu člana 14. stav (1) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini ("Službeni glasnik BiH", br. 31/24 i 85/24) (u daljem tekstu: Uputstvo).

Centralna izborna komisija Bosne i Hercegovine je, razmatrajući dokumentaciju koju je dostavilo Općinsko vijeće Kakanj utvrdila da su se u konkursnoj proceduri po Javnom oglasu za imenovanje jednog člana Općinske izborne komisije Kakanj, objavljenom u dnevnom listu „Oslobođenje“ 12.03.2025. godine, stručnom testiranju i intervjuu odazvala tri (3) kandidata. Na rang-listi uspješnih kandidata konkursne komisije dvije kandidatkinje, Merima Haračić-Kubat i Alma Neimarlija su ostvarile isti broj bodova (14), pri čemu je u izvještaju Komisije za provođenje procedure javnog oglasa za imenovanje člana Općinske izborne komisije Kakanj od 11.04.2025. godine navedeno da je Komisija prilikom sačinjavanja rang-liste dala prednost Merimi Haračić-Kubat, s obzirom na bolje iskazano znanje na pismenom i usmenom stručnom testiranju i cjelokupnom iskazanom dojmu. Općinsko vijeće Kakanj je imenovalo kandidatkinju Merimu Haračić-Kubat s rang-liste uspješnih kandidata konkursne komisije.

Članom 11. stav (6) Uputstva propisano je da nadležni organ, cijeneći položaj kandidata na listi, donosi odluku o imenovanju članova izborne komisije. Ukoliko nadležni organ odstupi od predložene rang liste dužan je u svojoj odluci obrazložiti razloge odstupanja. U slučaju identičnog broja bodova kandidata i identičnog pozicioniranja na rang-listi, nadležni organ prednost daje provođenju odredbe člana 2.14 Izbornog zakona BiH i izbornom iskustvu kandidata u hijerarhijskom smislu stava (1) tačka c) ovog člana, o čemu dostavlja obrazloženje.

Kandidatkinje Merima Haračić-Kubat i Alma Neimarlija imaju isti broj bodova ostvaren u konkursnoj proceduri (14 bodova). Uvidom u Zapisnik 3 konkursne komisije o izvršenom bodovanju i sačinjavanju rang-liste uspješnih kandidata utvrđeno je da kandidatkinja Alma Neimarlija ima izbornu iskustvo članice izborne komisije, koje se u konkursnoj proceduri boduje s četiri (4) boda, a uvidom u Zapisnik 3 konkursne komisije i dostavljenu potvrdu broj: 094A-07/25 od 12.03.2025. godine utvrđeno je da kandidatkinja Merima Haračić-Kubat ima izbornu iskustvo članice biračkog odbora na Općim izborima 2014. godine, odnosno članice mobilnog tima na Lokalnim izborima 2016. godine, a koje iskustvo se u konkursnoj proceduri boduje jednim (1) bodom.

Općinsko vijeće Kakanj, prilikom imenovanja člana Općinske izborne komisije Kakanj, nije postupilo u skladu s članom 11. stav (6) Uputstva, odnosno u slučaju identičnog broja bodova kandidata i identičnog pozicioniranja dvije kandidatkinje na rang-listi, nije dalo prednost kandidatkinji Almi Neimarliji čije izbornu iskustvo članice izborne komisije u smislu člana 11. stav (1) tačka c) Uputstva ima prednost u hijerarhijskom smislu u odnosu na izbornu iskustvo Merime Haračić-Kubat, članice biračkog odbora, odnosno mobilnog tima.

Kako je članom 14. stav (2) Uputstva propisano da Centralna izborna komisija Bosne i Hercegovine daje pisanu saglasnost na odluku o imenovanju i razrješenju članova izborne komisije, ukoliko su ispoštovane procedure iz člana 7, 8, 9, 10, 11 i 14. stav (1) ovog Uputstva i ukoliko izabrani kandidati ispunjavaju propisane uslove i tu saglasnost dostavlja nadležnom organu, to je primjenom člana 2.9 stav (1) tačka 19. i člana 2.12 stav (5) Izbornog zakona Bosne i Hercegovine i člana 14. stav (2) Uputstva, riješeno kao u dispozitivu.

Pravna pouka: Protiv ovog Rješenja dozvoljena je žalba. Žalba se podnosi Apelacionom odjelu Suda Bosne i Hercegovine u roku od dva dana od dana prijema ovog Rješenja preko Centralne izborne komisije Bosne i Hercegovine u skladu sa članom 6.9 stav (1) i (2) Izbornog zakona Bosne i Hercegovine.

Dostavljeno:

- ☉ Općinsko vijeće Kakanj,
- Općinska izborna komisija Kakanj,
- a/a



Predsjednica

Dr. Irina Hadžiabdić